

اسلام مجموعہ سی

شعاری: 'دینی بر حیات، حیاتی بر دینہ' در .

پیل ۲ صافی ۳۸ ۱۹ ذی الحجہ ۱۳۳۲ مدیری: حلیم ثابت
۱۵ تشرین اول ۱۳۳۱

جلد : ۴

قرآنہ کریم

سورہ بقرہ تک ۲۵۸ نجی آیتن ۲۷۵ نجی آیتہ قدر مفهوم شرقی
حاشیہ علی مفهوم قرآنن مرحوم مناستری رفت

فقد

اجہاد خطاری منصورى زاده سيد

دینہ فلسفی

دینی ذوق، دینی حیات عبداللطیف نوزاد

تاریخ

ابن تیمیہ (ابن تیمیہ تک چکنیکی زحمت و مشقتی ۳۵ نجی صایدن مابعد) رضا الدین بن فخر الدین

نسخہ سی ۶۰ بارہ در

توزیع یری « زمان کتب خانہ سیدر »

نجم استقبال مطبعہ سی



اجتهاد خطائری

« موجر و یا خود مستأجرک و فاتیله عقد اجاره ، منسوخ اولور ، مسئله سی
 (اجتهاد خطائری) عنوانی آتده . نشر اولنان مقاله لر یزدن برنجی مقاله ده . بحث
 ایتدیکنز : احکام شرعی بی موجود ذهنی دکل ، موجود خارجی اولوق اوزره
 قبول ایدن یا ککش تلقینک نتیجه سی اولان بر غریبه اجتهاددر .

بومسئله ده ، مقاله مذکورده ایضاح و بیان ایتدیکنز « بیع معدوم باطلدر ،
 مسئله سی کبی آنلرک صرف او بولده یا ککش تلقیری نتیجه سیدر .

مستقی عرض و ایضاحدرکه ، فسخی غیر قابل اوزون مدتلر ایله عقود
 اجاره یه ناسک احتیاجی دوکاردر . باخصوص عصریمزده قرق سنه ودها زیاده
 مدت ایله جسم تجارتکاهلر ، فابریقلر استیجار اولنور ، آکا کوره احضارات
 واستحضاراتده بونیلور ، بویوک مؤسسات تجاریه و صناعیه وجوده کتیریلیر .

موجرک و فاتیله اجاره نك فسخته قائل اولوق ایسه ، نه قدر ضرر اولور
 ایسه اولسون ، نظر اعتباره آلمیه رزق آز بر مدت ایچنده قوجه بر مؤسسه
 تجارت و یا صنعتی دارمه داغنیق ایتمک ، « موجر وفات ایتدی ؛ مأجوری
 تخلیه ایت چیق کیت ، دیمک حقه مالک اولوق دیکدرکه بر چوق ضرر لر تولیدن
 باشقه بر شیئی مفید اولماز .

فقط فقها ، بو کبی مسئله لرده اولیه احتیاجاتی ، مهم ضرر لری ، خلاصه
 شرع و قانونده مراعاتی لازم اولان هیچ بر جهتی نظر اعتباره آلورلر .
 چونکه آنلرک نظر نده بونلر ، ایکنجی درجه ده شیلردر چونکه آنلره
 کوره مستأجرک ختام مدت اجاره دن اول وفاتی تقدیر نده اجاره نك دوام و بقای سی
 عقلاً متمدر . بناء علیه منسوخ اولسی بر امر ضروریدر .

چونکه : فقها کندیلر نجیه قطعی و ضروری بر حکم عقلی اعتقاد ایتدکلری

« موجود اولیان شی نه (معمود علیه) نه‌ده (مملوک) صفتلریله توصیف اولنه‌ماز ، اساسلرینه استاد ایدرک موضوع مقاله من اولان مسئله‌ی یعنی « مستأجرک و فاتیله اجاره منفسخ اولور ، مسئله‌سی دلائل عقلیه منطقیه ایله اثبات ایتمک ایستیورلر . افاده‌لری تدقیق ایدیله‌جک اولور ایسه ، مسئله‌ی بو اساسه مستند ، مقدمات عقلیه دن تشکیل ایدلش قیاس مقسمله اثبات ایتمکری آکلاشیلیر . شویله‌که : بری ، مستأجرک وفاتنه قدر استحصال واستهلاک ایندیکی منافع دیکری‌ده وفاتندن صکره مدت ایجارک بقیه‌سنده استحصال اولنه‌بیله‌جک منافع ، دیه منافع مأجوری ایکی قسمه آیری‌یورلرده اوقسلر اوزرینه بنای مطالعه ایدرک اثبات مدعا ایدیورلر .

قیاس مقسلری تصویرده سوزی اوزاتماق ایچون برنجی‌قسم منافی (منافع متقدمه) ایکنجی‌قسم منافی‌ده (منافع متأخره) تعیرلریله ذکر ایتمک ایستیورلر . ایسته قیاس مقسلری شو وجهله‌در : « مدت اجاره جتام بوله‌دن مستأجر وفات ایدمه‌جک اولور ایسه ، اجاره بالضروره منفسخ اولور . چونکه اجاره منفسخ اولمازده بقاسیله حکم ایدیله‌جک اولور ایسه توارث جریان ایدمه‌جک دیمک اولور . شو حالده توارث ایدیله‌جک اولان یا منافع متقدمه‌در و یا خود منافع متأخره‌در . شبهه یوقدرکه منافع متقدمه‌نک ورثه‌یه انتقالی تصور اولنه‌ماز چونکه مستأجرک حال حیاتنده استهلاک ایدلش ، منعدم وزائل اولش اولان منافعک ورثه‌یه انتقالی متصور دکلدن منافع متأخره‌ده وراثت جریان ایدمه‌من چونکه منافع متأخره ، مستأجرک زمان حیاتنده موجود دکل ایدی‌که مستأجر آنزده مالک اولشدی دینه‌بیلسون «موجود اولیان شی ، نصل مملوک اوله‌بیلیر» موجود اولیان شی ، مملوک صفتیله توصیف اولنه‌ماز» شو حالده منافع متأخره‌ده وراثت جریان ایدمه‌میور دیمک اولور . چونکه وراثت مورثک قبل الوفات مالک اولدیغی شیلرک ، فاتیله ورثه‌یه انتقالیدر ، ایسته قیاس مقسلری !

بوراده شایان دقت بر نقطه‌دها وارکه: بویله صرف قیاسات عقلیه منطقیه ایله علوم عقلیه علوم طبیعیه مسائلی کبی احکام فقهمه اثبات اولنیور آرتق بو جیته دائر مطالعاتی بر باشقه مقاله‌یه ترک ایدرک صده رجوع ایدمه .

ایشته بویله فقہانک قیاس مقسملری، آچقندن آچیغه اساس مذکورہ
استناد ایدیور چونکہ قیاسلری، «موجود اولیان شی، نصل مملوک اولور» «موجود
اولیان شی، مملوک صفتیله توصیف اولنه ماز» اساسنه مستدر .

شبهه یوقدرکه عقد اجاره ایله مستأجره بر نوع حق ثابت اولور .
بو حق، «مدت اجاره نك حلولندن اعتباراً ختامه قدر کیمسه نك مداخله
و بمانته صلاحیتی اولیه رفق مأجوردن انتفاع ایتمک» حقیدر .
مستأجر عقد اجاره ایله بو حقی اکتساب ایتمی اولور . مدت اجاره نك
حلولی ایله دکل، عقدک وقوع بولسی ایله آرتق بو حق یعنی «مدت اجاره
حلول ایتمدیکی وقته» مأجوردن انتفاع ایتمک «حق مستأجره ثابت اولور
ومدت اجاره نك ختامه قدر دوام ایدر .

اساساً هر عقددن مقصد، احتیاجات اوزرینه مؤسس، بر نوع حق اثبات
ایتمکدن باشقه بر شی اولدینی کبی عقد اجاره دن مقصدده بویولده بر نوع حق
اثبات ایتمکدن باشقه بر شی دکلدر . عقود سائره کبی عقد اجاره ده بویله بر
نوع حق اثبات ایتمکدن باشقه بر معنا افاده ایتمز .

بناءً علیه «عقد اجاره تملیک منافی افاده ایدر» دیمک، «عقد اجاره ایله
مأجوردن استحصال منافع ایتمک» حق ثابت اولور، دیمک اولدینی کبی،
«مستأجر منافع مأجوره مالکدر» دیمکده «مستأجره مأجوردن انتفاع ایتمک
حق ثابتدر . معناسدن باشقه بر شی افاده ایتمز .

بو حق ایسه، شرع وقانونک لزوم و احتیاج اوزرینه تاسیس ایتمدیکی بر
موجود ذهنی، بر امر اعتباریدن عبارتدر . خارجه موجود بر شی دکلدر .
بویله موجود ذهنی و امر اعتباریدن عبارت اولان بر نوع حقل ثبوتندن
باشقه بر معنا افاده ایمان (منافع مأجوره بالکیت) و بناءً علیه (منافع مأجورک
مملوکی) صفتلری نكده موجود ذهنی و امر اعتباریدن باشقه بر شی اولیه جقلری بدیدر .
فقہا ایسه، بویله صفات اعتباریه بی، اعتبارات شارعدن عبارت اولان احکام شریعتی
امر حقیقی و موجود خارجی اولق اوزوه تلقی ایدیورلرده «معدوم اولان»،
هنوز موجود بولنمان بر شی، بو کبی صفات ایله توصیف اولنه ماز» ادعاسنده بولینورلر .

ایشہ فقہانك بويہ موجود اوليان شی ، (معقود علیہ) و (مملوك) اولماز
 « بوكي صفتلر ايله موجود اوليان شی توصیف اولتهماز ، اساسلری بورادن
 تولد ایدیور .

فقہا بو ادھارنی اثبات ایتک ایچون « معدوم هیچ بر شی دکلر . بناء
 علیہ معدومك معقود علیہ و مملوك صفتلریله توصیفی مستحیلدر دیه کویا دلیل
 عقلی اقامه ایدیورلر .

ایشته بز آنلرک بودلیللرینه نظرآ استاد ایتدکلری اساسی ازهرجهت تدقیق
 ایدرک قیاس مفصله مقصدیمیزی ایضاح ایدلم .

شویله که : فقہانك اگر مقصدلری « (معقود علیہ) ، (مملوك) صفتلری
 اعتبارات شارعدن عبارت دکلده خارچده موجود اولان صفات حقیقه دندر .
 خارچده موجود بر موصوف ، بر موضوع اقتضا ایدر ، دیک ایسه ، شبه
 یوقدرکه بوصفتلر، ایضاح ایتدیکنز وجهله ، اعتبارات عقلیه و موجودات
 ذهنیه دندر . خارچده وجودلری یوقدر . بناء علیہ خارچده موجود بر موصوفه
 احتیاجلری یوقدر .

یوق بویله دکلده مقصدلری «معدوملر، علی الاطلاق نه صفات اعتباریه و نه صفات
 حقیقه و خارجه ايله اتصاف ایدمز . بناء علیہ (معقود علیہ) و (مملوك)
 صفتلری اعتبارادن عبارت اولسه لرده یته بوصفتلر ايله معدوملر توصیف اولتهماز ،
 دیک ایسه ، بو ، تسلیم وقبول ارنلور بر حقیقت اوله ماز .

چونکه اولهاله یوسوز ، کندیی یته کندیی نقض وتکذیب ایدن برسوز
 اولور . چونکه «معدوملر توصیف اولتهماز» دیه معدومی «توصیف اولتهماز»
 صفت اعتباریه سیله توصیف ایدوب دورییور .

فقہا کندیلری ده معدومدن بحث ایدیورلر . معدوم حقتده مسئله لر ییله وضع
 ايله یورلر ، معدومك بییی باطل اولور دیورلر . بتون معدوم حقتده کی بحثلری ،
 معدومك بیغک بطلانی و یا خود جوازی معدومك صفات اعتباریه سی دکلده
 ندر . ! ؟

کتاب کلامیه وحکمییه ده معدوم موضوع بحث اولور . معدوم حقتده بر چوق

احکام بیان ایدیلیر. بونلر معدومی احکام عقلیه اعتباریه ایله توصیف ایتمک دکلیدر؟ معدوم، (تمکن الحصول) ویا (تمتع) در دینه ایکی قسبه تقسیم ایدیلیر. شو حالدیه بو تقسیمه نظرأ معدوم امکان، امتناع صفتلریله توصیف ایدلش اولماز می؟ ایشته بو صورتله « موجود اولیان شی، نه معقود علیه نه ده مملوک اوله ماز، اسانسک بطلاق میدانده در.

بناءً علیه بوندن باشقه نقطه استنادی اولیان قیاس مقسملرینک ونتیجه سی اولان مسئله مباحث عنهانک بر اساس صحیحه مستند اولدینی تامایه تظاهر ایتش اولور. منشأ معنوی

سعی

دیگر فلسفی

دینی ذوق، دینی حیات

ذوق، اک زیاده بدیعیات عالنده شایع بر معنوی مقاسدر: کوزلک، چیرکینک، حظ و هیجان... اونکله اولچولور. بونکله برابر حساسیت و مخیله نك دهاا کنیش بر حصه فعالیتی اولان او عالده بیه ذوق، حاکیتنی یالکز بوایکی خاصه اوزرینه تأسیس ایتمز، یالکز بو ایکی منبعدن قوت آلاز؛ اونک حاقله و اراده ایلهده صیقی بر مناسبتی بولونور و حکملزنده اونلرکده اثر قدرت و تقیدی کورونور.

ایشته ذوقک، ذهنک، بوتون ایشلک عناصریله بویله قایناشه بیلده سی، اوزلاشه بیلده سی اوکا اک زیاده حاقله نك حکمران اولدینی علم ساحه سنده ده بر موقع تعین و یریبور: بر مسئله یی ایجه تعقل و ادراک ایتدی کمزک اک بارز لسانه لزدن بری ذوقه وارمازدر. مجهولدن معلومی حیقارمق، بزه طویلماز. بر نشوه و ذوق و یرر. بر شیئی آ کلا بیشمک درجه سی، اوکا علممک لحوقندن